



子史鈎沈

辛氏三秦記

甘泉黃奭學

逸書考

山陵

秦名天子冢曰長山漢曰陵故通名山陵

地市

驪山始皇陵作地市生死人交易市平不得欺死人云秦王地市有斷馬利

太白山

太白山不知高幾許俗云武功太白去天三

冢

人

百山丁軍行不得鳴鼓角鳴鼓角則疾風暴雨兼至也

隴坂

隴西關其坂九迴不知高幾里欲上者七日乃越高處可容百餘家下處數十萬戶其上有清水四注俗歌曰隴頭流水鳴聲幽咽遙望秦川心肝不絕去長安千里望秦川如帶關中人上隴者還望故鄉悲思而歌則有絕死者

沙角

河西有沙角山峯嶮危峻逾於石山其沙粒麓色黃有如乾糲又山之陽有一泉云是沙井綿歷今古沙不填足人欲登峯必步下入穴卽有鼓角之音震動人足

溫泉

驪山湯泉舊說以牲祭乃得入可以去疾消病俗云秦始皇與神女遊而忤其旨神女唾之則生瘡始皇怖謝神女爲出溫泉而洗除

後人因以為驗

蘭池

秦始皇作長池引渭水東西二百里南北二十里築土為蓬萊山刻石為鯨魚長二百丈

城赤色

長安城中地皆黑壤今城赤何也且堅如石如金父老相傳云盡鑿龍首山中土以為城及諸城闕亦然

織錦城

梁山宮在好畤城皆文石名織錦城

未央

未央一名紫微宮

桂宮

未央宮漸臺西有桂宮中有明光殿皆金玉珠璣為簾箔綴明月珠金砌玉階晝夜光明

豹林谷

在子午谷

鳳凰闕

明

田

栢梁臺有桐鳳因名鳳闕

韋曲

在皇子陂之西

杜門

卽青門

子午

子午長安正南山名

始平

長安城北有始平原數百里無山川湖水其

民井汲巢居井深五十丈有伯夷墓人食薇  
可常食或云夷叔食三年顏色如故

白鹿

周平王東遷有白鹿遊於此原以是得名蓋  
泰運之象

桃林

桃林塞在長安東四百里若有軍馬經過好  
行則牧華山休息林下惡行則決河漫延人  
馬不得過矣

決

子史鈎沈

逸書考

晉潘岳關中記

甘泉黃奭學

長安地皆黑壤城今赤如火堅如石父老所  
傳蓋鑿龍首山土為城又諸臺闕亦爾終南  
山一名中南言在天中居都之南故關中曰  
南

昆明池曰神池靈沼堯治水訖停船此池蓋  
堯已有漢代因而深廣之

涇與渭洛為關中三川與渭灞澆澇瀉澆瀉

為關中八水

土

未央宮周旋三十三里街道十七里有臺三十二池十二土山四宮殿門八十一掖門十四宮殿及臺皆疏龍首山土以作之殿基出長安城上非築也

未央宮東有鴛鴦殿

宣帝少依許氏長於杜縣樂之後葬於南原立廟於曲池之北亭曰樂遊原

龍首山首枕渭之南岸尾達樊川首高尾下

在長安城南

漢築長安城及營宮殿咸以堊平至今坊市北據高原南望爽塏視終南如指掌

子史鈎沈

逸書考

晉劉澄之梁州記

甘泉黃奭學

武侯壘

武侯壘東南有定軍山八十餘里有諸葛武侯墓鍾會征蜀至漢州祭亮之墓令軍士不得於墓芻牧樵采今松栢碑銘儼然

白水關

關城西南百八十里有白水關固解印綬處也

溫泉

漢水南有溫泉周圍數千步冬夏常沸涌若湯其熱可熟雞子

盟壇

沔陽城在漢水南舊蕭何所築也劉備為漢王權住此城盟於城下今門外有盟壇猶存

諸葛井

諸葛亮宅有井深四尺餘口廣一尺五寸累磚如初開云

雁塞

梁州縣界有鴈塞山傳云此山有大池水鴈棲集之故因名曰鴈塞

子史鈎沈

逸書考

袁崧宜都記

甘泉黃奭學

銀山縣有溫泉注大溪夏纔煖冬則大熱上常有霧氣百病久疾入此多愈

獸牙山有石壁其文黃赤色有牙齒形勾

限山縣東六十里有山名下魚城四面絕崖唯兩道可上皆險絕山上周迴可二十里有林木池水人田種於山上昔永嘉亂土人登此避賊守之經年食盡取池魚擲下與賊以

冷又

示不窮賊遂退散因此名爲下魚城

峽中猿鳴至清山谷傳其嚮泠泠不絕行者  
歌之曰巴東三峽猿鳴悲猿鳴三聲淚沾衣  
自西陵泝江西北行三十里入峽山行周圍  
隱映如絕復通高山重障非日十里半不見  
日月也

西陵江南岸有山孤秀從江中仰望壁立峻  
絕人自山南上至其嶺嶺容十許人四面望  
諸山畧盡其勢俯臨大江如縈帶焉視舟船

如鳧鴈矣

宜都山絕崖壁立數百丈有一大燼插其崖  
間望長數尺傳云堯洪水人泊船此旁爨  
餘故曰插竈崖也

子史鈎沈

逸書考

晉盛宏之荊州記

甘泉黃奭學

衡山有三峰極秀一峰名芙蓉峰最為竦桀  
自非清霽素朝不可望見峰上有泉飛派如  
一幅絹分映青林直注山下

巴陵南有青草湖周迴百里日月出沒其中  
湖南有青草山故因為名

宜都西陵峽中有黃牛山江湍紆迴途經信  
宿猶望見之行者語曰朝發黃牛暮宿黃牛

三朝三暮黃牛如故

緣城邊隄悉植細柳綠條散風青陰交

雁塞北接陽州汶陽郡其間東西嶺屬天無  
際雁飛翥至此卽回翼唯一處稍下每雁飛  
達則矯翼裁度下處而過故名雁塞

武陵武陽縣有石帆山若數百幅帆

隨郡北界有九井相傳神農旣育九井自穿  
又云浚一井則衆井水皆動

巴東有一折桂孤直高三丈大十圍傳云是

公孫述樓柱破之血出枯而不朽

湖陽縣春秋蓼國樊重之邑也重母畏雷爲  
石室避之悉以文石爲堦砌今猶存

狼山縣有一山獨立峻絕西北有石穴以獨  
行百步許一大石其門相去一丈許俗名其  
一爲陽石一爲陰石水旱爲災鞭陽石則雨  
鞭陰石則晴

湘東有雨母山山有祠壇每祈禱無不降澤  
以是名之

來陽縣有雨瀨此縣時旱百姓共壅塞之甘  
雨普降若一鄉獨壅雨亦偏降應隨方所其  
信若符刻

小西山石穴中有書千卷相傳秦人於此而  
學因畱故梁湘東王云訪西陽之逸典是也  
南陽有菊水其源旁悉芳菊水極甘馨又中  
有三十家不復穿井卽飲此水上壽百二十  
三十中壽百餘七十猶以爲大漢司空王暢  
太傅袁隗爲南陽令縣月送三十餘石飲食

澡浴悉用之太尉胡廣父患風羸南陽恒汲  
飲水此疾遂瘳此菊短葩大食之甘美異於  
餘菊廣又收其實種之京師遂處處傳置之  
筑陽縣粉水源出房陵取其水爲粉鮮潔異  
於餘水矣

稜江縣西至上明東及江津其中有九十九  
洲楚諺曰洲不滿百故不出王者桓玄有問  
鼎之志乃增一爲兩以克百數僭號旬時身  
屠宗滅及其傾覆洲亦消毀至宋文帝在藩

① 築

② 稜

後

忽生一洲果龍飛江表元兇之禍此洲還沒  
新陽縣惠澤中有溫泉冬月未至數里遙望  
白氣浮蒸如烟上下采映壯若綺疏又有車  
輪雙轅形世傳昔有玉女乘車自投此泉今  
人時見女子姿儀光麗往來倏忽

沌陽縣至沔口水北有却月城西一里有馬  
騎城周迴五里高一丈

富陽縣城樓王仲宣登之而作賦

富陽東南七十里有楚昭王墓登樓則見所

謂昭邱

郡西泝江六十里南岸有山名曰虎牙二山  
相對楚之西塞也荆門上合下開開達山南  
有門之形故曰荆門

江陵有潛室人時見之輒有兵寇

子史鈎沈

逸書考

晉羅含湘中記

甘泉黃奭學

九疑在營道縣與北山相似行者疑惑故名之

衡山近望如陣雲沿湘千里九向九背

衡山九疑皆有舜廟太守至官常遣戶曹致

祀則如聞絃歌之聲

湘水至清雖深五六丈見底了了然其石子如樗蒲大五色鮮明白沙如霜雪赤岸若朝

霞

營水洧水灌水祁水春水永水來水淥水連水倒水瀉水伯水資水皆注湘

曲江縣有銀山山常多素霧

屈潭之左玉笥山屈平之放棲於此山而作

九歌

宿當軫翼度應機衡故曰衡山山有錦石斐然成文衡山有懸泉滴瀝崑間聲泠泠如絃有白鶴迴翔其上如舞

滴泠

溢

衡陽縣東二十里有鄱湖周二十里深八尺湛然綠色土人取以釀酒其味醇美

溢陽有昭潭其下無底湘水最深處也或謂

周昭王南征不復沒於此潭因以爲名

都溪又西北流入營水謂之菁口

郴縣南有義帝廟百姓祭之

文斤山上有石床方高一丈四面綠竹扶疎

常隨風委拂

臨水經臨賀縣東又南至郡左合賀水



君山有地道榷渚對岸古城孫權遣程普所立



耒陽縣北有蔡倫宅宅西有一石舊云是倫春紙自也

祝融峯上有青玉壇方五丈有蓋香峯行道處

子史鈎沈

逸書考

晉鄧德明南康記

甘泉黃奭學

神闕

南康縣歸義山去縣七百里下有石城高數丈遠望嵯峨靈闕騰空故老謂之神闕

金雞

雲都縣有金雞石傍有宋宋永初中見金雞棲翔此穴頗時飛鳴又云覆笥山平湖有石鴈浮在水每至炎氣代序則飛翔若知感候

梓樹

梓潭昔有梓樹巨圍葉廣丈餘垂柯數畝吳王伐樹作船使童男女挽之船自飛下男女皆溺死至今潭中時有歌唱之音

石桃

南康五山有石桃故老云古有寒桃生於巔顛隱淪之上將大取其實因變成石焉

鸚鳥

歸美山有石室色如黃金號爲金室有鸚鳥

形色潔白愛羽毛其隻者或鑿水向影悲鳴自絕方知孤鸞對鏡爲不虛矣

玉臺

零都君山上有玉臺方廣數丈週迴盡是白石柱柱自然石覆如屋形也四面多松杉遙眺峨峨嚮像羽人之館風雨之後景氣明淨頗聞山上有鼓吹之聲山都木客爲舞唱之節

青竹杖

南野縣有漢監匠陳隣其人通靈夜嘗乘龍  
還家其婦懷身母疑與外人通密看乃知是  
隣乘龍龍至家輒化青竹杖隣內致戶前母  
不知因將杖去須更光彩滿堂俄爾飛失杖  
乃御雙鶴還

潯陽四隱

晉翟莊字祖休湯之子以孝友著名守父操  
州致禮命並不就莊子矯亦高節家居無事  
好種竹辟命屢至嘆曰吾焉能易吾種竹之

心以從事於籠鳥盆魚之間哉竟不就矯子  
法賜節槩尤佳武帝以散騎郎 容勉之就  
聘乃正色曰吾家不仕四世矣使白壁點污  
可乎亦不從之祖父子孫皆有行義世稱潯  
陽四隱

子史鈎沈

逸書考

晉張僧鑒潯陽記

甘泉黃奭學

廬山頂上有湖廣數頃有楊梅山桃止得於  
上飽噉不得將去

廬山西南有康王谷又有北嶺城天欲雨輒  
聞鼓角簫管之聲

雞籠山下澗中有數處累石若有人功水常  
深尺餘朝夕輒有湧泉溢出如潮水時刻不  
差朔望尤大號爲潮泉

溢城灌嬰所築建安中孫權經此城自標井地令人掘之正得故井有石銘云漢六年穎陰侯所開卜云三百年當塞塞後不滿百年當爲應運者所開權見銘欣悅以爲己瑞時咸異之井甚深大江有風浪此井輒動土人呼爲浪井

稽亭北瞰大江南望高岳淹留遠客因以爲名焉

潯陽城東門通大橋常有蛟爲百姓害董奉疏符沉水中少見一蛟死浮出

黃金山有栴樹一年東邊榮西邊枯後年西邊榮東邊枯年年如此張華曰交讓者此是也

麻姑山上人 之有物人形眼鼻口面無臂腳俗名之楓子鬼

(此)

子史鈎沈

逸書考

晉劉澄之鄱陽記

甘泉黃奭學

清灣

清灣在縣東南七里隋開皇中太守梁文謙  
涖官清潔取此灣水以自供後人思其德號  
為清灣

沙堆

新昌水有一沙堆在縣東北五十里其形狀  
如覆船鮮淨特異每年豐稔其沙即堆積如

舊若砂移向岸其年儉古來相傳以爲常驗

白雲城

白雲在縣西南旁對干越亭而峙焉跨古城之危瞰長江之深隋州刺史劉長卿題詩曰孤城上與白雲齊因以白雲爲名

三鐵鑊

弋陽嶺上多密岩宋元嘉中有人見其岩內三鐵鑊鑊各容百斛中生蓮花他人往尋不知所在

望夫岡

鄱陽西有望夫岡昔縣人陳明與梅氏爲姻未成婚妖魅詐迎婦去明請卜者決云西北行五十里求之明如言見大穴深邃無底以繩懸入遂得其婦乃令婦先出而明所將隣人秦文遂不取明其妻乃自誓執志登此岡首而望其夫因以名焉



子史鈎沈

逸書考

晉山謙之丹陽記

甘泉黃奭學

慈母山

江寧縣南三十里有慈母山積石臨江生簫管竹自伶倫采竹嶰谷其後惟此簫見珍故歷代常給樂府而俗呼鼓吹山今慈湖戍常禁采之王褒洞蕭卽稱此也其竹圓緻異於衆處

烈洲

江寧烈洲吳舊津所也內有小水堪泊船商  
客多停以避烈風故以名焉王濬伐吳宿於  
此簡文為相時會桓玄之所也亦曰溧洲洲  
上有山山形似栗伏滔北征賦謂之烈洲

蔣山

京師南北並有連嶺而蔣山獨隆巖峻異其  
形象龍實陽都之鎮也

新亭

京師三亭新亭吳舊亭也故基淪毀隆安中

冶

丹陽尹司馬恢移創今地謝石創征 三吳  
縉紳創治亭並太元中

石城

石頭城吳時悉土塢義熙初始加磚累甃因  
山以為城因江以為池地形險固尤有奇勢  
亦謂之石首城也

蔣陵

蔣陵因山以為名吳大帝陵也

張侯橋

晉山志之丹陽誌

大長安道西張侯橋者本張子布宅處也

子史鈎沈

逸書考

晉孔暉會稽記

甘泉黃奭學

軼雲蔽日

四明山高峯軼雲連岫蔽日

秦望

會稽秦望山為眾峯之傑陟境便見史記云  
秦始皇登之以望南海自平地以取山頂七  
里縣磴孤危峭路險絕記云扳蘿捫葛然後  
能升山上無高木當由地迴多風所致山南

回

晉孔暉之辭

有嵯峴峴裏有大城越王無餘之舊都也

映發

會稽境特多名山水峯嶸隆峻吐納雲霧松  
枯楓柏摧榦竦條澄壑鏡徹清流寫注

榦

白樓

江夏太守宋輔於重山南白樓亭立學教授  
沛國桓儼避地至會稽聞陳業賢而往候之  
不見臨去入交州留書繫白樓亭柱而別  
孫興公許玄度共在白樓亭共商畧先往名

達林公既非所關聽訖云云一賢故自有才情  
亭在山陰臨流映壑也

晉鄭緝之永嘉郡記

子史鈎沈

逸書考

晉鄭緝之永嘉郡記

甘泉黃奭學

三原灣

樂城縣三原亭去郡百二十里溪水清如鏡  
曩昔有得一死鮎者鬻大五六圍一鬻輒得  
數十斛鮎此灣無所不容有人能食者常自  
譬腹如三原灣無所不容

竹青

青田縣有草葉似竹可染碧名為竹青此地

所豐草故名青田

青田鶴

有沐溪野去青田九里中有雙白鶴年年生子長大便去只恒餘父母一隻耳精白可愛多云神仙所養浮邱公相鶴經云青田之鶴竹中高士

樂成張薦者隱居頤志家有苦竹數十頃在竹中為屋常居其中王右軍聞而造之薦逃避竹中不與相見郡號為竹中高士

官梨

青田村人家多種梨樹名曰官梨子大一圍五寸恒以供獻名為御梨吏司守視土人有未知味者梨實落至地即融汁

晉龔綱之永嘉郡言

逸書考

子史鈎沈

甘泉黃奭學

晉王韶南雍州記

太白山

武當山山高巖峻若博山香爐茗亭峻極干  
霄出霧學道者常百數相繼不絕若有於此  
山學者心有隆替輒為獸所逐

粉水

蕭何夫人漬粉處也

酒泉

千

晉王韶南雍州記

福祿城謝艾所築下有金泉味如酒有人飲此泉水見有金色從山中照水往取得金故名

### 辛居士家

辛居士名宣仲家貧春月鬻筍充觴酌截竹為罌用充盛置人問其故仲宣曰我惟愛竹好酒欲令二物常相並耳

### 諸葛故宅

隆中諸葛亮故宅有舊井一今涸無水盛宏

脫下文字  
為罌用  
充盛置  
人問其故  
仲宣曰我  
惟愛竹

之記云井深五丈廣五尺堂前有二三間屋地

### 基址極高

孔明避暑臺宅西山臨水孔

明常登鼓琴以為梁父吟因名此為樂山先有人家居此宅衰殄滅亡後人不敢復憇焉齊建武中有人修井得一石枕高一尺二長九寸獻晉安王習鑿齒又為宅銘

### 樂善臺

高齋之後有堂堂西有射堂五間射堂南有大池池上臺名曰樂善臺

晉伏琛三齊畧記

子史鈎沈

逸書考

晉伏琛三齊畧記

甘泉黃奭學

堯山在廣固城西七里堯巡狩所登遂以為  
名山頂立祠祠邊有楸樹枯而復生不知幾  
代樹也

臺城東南有蒲臺臺高八丈秦始皇所頓處  
在臺下縈馬至今蒲生猶縈似水楊而堪為  
箭

陽城山石盡起立巖巖東傾狀如相隨行青

翠可掬也

海上蜃氣時結樓臺名海市

不夜城在陽廷東南蓋古有日夜出此城以不夜名異之也

秦始皇於海中作石橋海神爲之豎柱始皇求爲相見神云我形醜莫圖我形當與帝相見乃入海四十里見海神左右莫動手工人潛以腳畫其狀神怒曰帝負約速去始皇轉馬還前腳猶立後腳隨崩僅得登岸畫者溺

死於海衆山之石皆傾注今猶岌岌東趣

曲城齊城東有萬歲水水北有萬歲亭

鄭司農常居不其城南山中教授黃巾亂乃避遣生徒崔琰王經諸賢於此揮涕而散所居山下草如薤葉長尺餘堅韌異常土人呼爲康成書帶草

始皇祭青城山築石城入海三十里射魚水變色如血者數里于今猶爾

晉伊璠三齊異言

子史鈎沈

逸書考

晉顧微之廣州記

甘泉黃奭學

瑞銜

廣州廳事梁上畫五羊像又作五穀囊隨像懸之云昔高固為楚相五羊銜穀萃於楚庭故圖其像為瑞六國時廣州屬楚

桂父常食桂葉見知其神尊事之一旦與鄉

曲別飄然入雲

鬱林郡山東南有一池池邊有一石牛人祀之若旱百姓殺牛祈雨以牛血和泥泥石牛

背禮畢則天雨太注洗牛背泥盡即晴

百管谿周迴丈餘水極沸涌如猛火煎油聲  
海中有文魷鳥頭尾鳴似磬而生玉又曰海  
中多朱鼈狀如肺有四眼六脚而吐珠

平定縣東巨海有驛馬似馬牛尾一角又云  
平定縣巨海有水犀似牛其出入有光水爲  
之開

熙安縣東南有固岡高數十丈岡西面爲羊  
腸道說者云尉陀登此望漢

海中有大珠明月珠水精珠

懷化郡掘塹得石墨甚多精好寫書今山中  
多出朱石亦可以入朱硯中使

益智葉如襄荷莖如竹箭子從心中出一枝  
有十子內白骨四破去之取外皮蜜煮爲粽  
子味辛

白

熙安縣有孤古度樹生其號曰古度俗人無  
子於祠炙其乳則生男以金帛報之  
五子樹實如梨裏有五核因名五子治霍亂

金瘡

熙安縣東北有菖蒲澗盤石上水從上過味甘冷異于常流

蠻 不蠶採木綿爲絮

藤類有十許種續斷草藤也一日諾藤一日水藤山行渴則斷取汁飲之治人體有損絕沐則長髮去地一丈斷之輒便生根至地永不死

鬼目益知直爾不可噉可爲漿也

鬼目樹似棠梨葉葉如楮皮白樹高大如木瓜而小耶傾不周正味酢九月熟又有葇昧子亦如之如可爲糝用其草似鬼目  
雍菜生水中可以爲菹也

山有鳳鸞棲宿食其實山東有溪曰羅陽永泰中暑雨漲有一竹葉若芭蕉葉大隨水出

子史鈎沈

逸書考

晉王韶始興記

甘泉黃奭學

郡東有玉山草木滋茂泉石澄徹

秦貴陽縣閣下鼓自奔逸於臨武因名聖鼓  
今臨武有聖鼓城

始興城西百餘步有棲霞樓臨川王營置清  
暑遊焉羅君章居之因名爲羅公洲樓下洲  
上菓竹交蔭長楊傍映高梧前踈雖卽城隍  
趣同邱壑

淮群淮

含淮有三城白沙城馬鞍城白鹿城

含淮有白鹿城晉咸康中郡人張魴作令十年甚有惠政白鹿羣遊取一而獻之故以為名

含淮縣有堯山堯巡狩至于此立行臺也

縣下流有石室內有懸石扣之聲若磬響十餘里

秦鑿楊山桂楊山閣下鼓便自奔逸息于臨武遂之始興洛陽遂名聖鼓

桂陽貞女峽傳云秦世有數女取螺於此遇風雨一女忽化為石人今形高七尺狀如女子

英德一名滇陽峽崖壁千仞猿狖不能攀昔有樵者見飛仙於此

竝述之可知兩注竝行於世既久自六朝  
流傳至唐而益顯故李善司馬貞釋元應  
馬總殷敬順陸德明等採摭慎注不減於  
誘注其訓釋舊典如方諸見月津而爲水  
及魯酒薄邯鄲圍庶女叫天羿妻奔月諸  
事可與誘注互証然馮夷大丙慎注則爲  
馮夷太白朝菌不知晦朔朝菌爲朝秀人  
莫鑿於沫雨沫雨爲流澌桓公喟然而寤  
爲慨然而悟慎所据淮南本多異明人刻

本茲緝錄慎注於諸書徵引有淮南正文者則竝附記所出而以明本攷其異同且如墜形訓自西南至東南有裸人國自東南至東北有黑齒民文選注引脫至東北句是則李善之誤不得據爲慎本之異也陸氏莊子釋文曰魏闕淮南作驪許慎曰天子兩觀也今選注神遊魏闕仍作魏是又刻本誤改也鼂氏言慎標其首皆曰閒詰次曰淮南鴻烈閒詰之名未詳其義至

卷之四